



Reykjavík 24.10.2017

Landlæknisembættið,
Barónsstíg 47, 101 Reykjavík.

Velferðarráðuneytið,
b.t. Guðrún W. Jensdóttir, lögfræðingur,
Skógarhlíð 6, 105 Reykjavík,

Varðandi: Viðurkenningu á marklýsingu fyrir sérnám í heimilislækningum á Íslandi.

Með tilvísan í 7., 8. og 15. gr. reglugerðar nr. 467/2015 um menntun, réttindi og skyldur lækna og skilyrði þess að hljóta almennt lækningaleyfi og sérfræðileyfi, svo og til starfsreglna nefndarinnar sem staðfestar voru af heilbrigðisráðherra 28. júní 2016, vill mats- og hæfisnefndin tilkynna að á fundi nefndarinnar þann 3.10. 2017 var ákveðið að viðurkenna með formlegum hætti marklýsingu fyrir fullt sérnám í heimilislækningum sem gæti farið fram á völdum heilsugæslustöðum sem sótt hafa um að hafa sérnámslækna, og á viðeigandi deildum Landspítalans og Sjúkrahússins á Akureyri með tilvísan í ákvæði reglugerðarinnar. Nefndin skal samkvæmt ákvæðum reglugerðarinnar að auki meta hæfi heilbrigðisstofnunar eða deildar heilbrigðisstofnunar til að öðlast viðurkenningu sem kennslustofnun fyrir slíkt sérfræðinám og er sú vinna yfirstandandi. Þegar því er lokið verður listi yfir viðurkenndar námsstofnanir/deildir sendur Landlæknisembættinu til birtingar.


Ákvörðunin var tekin með hliðsjón af endurskoðaðri marklýsingu (þriðja endurskoðun) um nám í heimilislækningum, sem fulltrúar sérgreinafélags íslenskra heimilislækna skiluðu til mats- og hæfisnefndar þann 10.05. s.l. . Marklýsingin er meðfylgjandi. Sérnám í heimilislækningum á sér 22ja ára sögu á Íslandi á vegum Félags íslenskra heimilislækna. Reiknað er með að þeir heimilislæknar sem nú þegar eru við nám fái viðurkenningu á námi sínu í samræmi við gildandi eða eldri reglugerð eftir því hvenær nám þeirra hófst.

Mats- og hæfisnefndin hefur rætt við forsvarsmenn og kennslustjóra námsins og fengið umsagnir formanns sérgreinafélags heimilislækna, framkvæmdastjóra lækninga hjá heilsugæsluumdæmum landsins, forstöðumanns fræðasviðsins heimilislæknisfræði við Læknadeild Háskóla Íslands og umsögn Embættis Landlæknis, með tilvísan í 3. mgr., 15. gr. reglugerðar nr. 467/2015.

Námið er samkvæmt 8. gr. reglugerðarinnar á ábyrgð framkvæmdastjóra lækninga á viðkomandi námsstað í heilsugæslunni, á Landspítala eða Sjúkrahúsinu á Akureyri. Endurmat þessarar viðurkenningar skal skv. reglugerð 467/2015 fara fram eigi síðar en að fjórum árum liðnum, þ.e.a.s. í október 2021, en verður væntanlega endurskoðað eftir um tvö ár með tilliti til framkvæmdar námsins á þeim sjúkrahúsdeildum og heilsugæslustöðvum sem verða viðurkenndar til að veita sérnám í heimilislækningum.

Óskað er eftir að tilkynning um viðurkenningu marklýsingarinnar verði birt á heimasíðu Landlæknisembættisins.

Virðingarfyllst, f.h. mats- og hæfisnefndarinnar,

A handwritten signature in blue ink, appearing to read 'Reynir T. Geirsson'. The signature is fluid and cursive, with a large initial 'R' and a long, sweeping tail.

Reynir T. Geirsson, próf. em.,

Formaður mats- og hæfisnefndar skv. reglugerð nr. 467/2015.

Afrit:

Óskar Reykdalsson, framkvæmdastjóri, Heilsugæslu höfuðborgarsvæðisins

Fjölur Freyr Guðmundsson, framkvæmdastjóri, Heilbrigðisstofnun Suðurnesja

Þórir Bergmundsson, framkvæmdastjóri, Heilbrigðisstofnun Vesturlands

Hallgrímur Kjartansson, framkvæmdastjóri, Heilbrigðisstofnun Vestfjarða

Örn Ragnarsson, framkvæmdastjóri, Heilbrigðisstofnun Norðurlands

Pétur Heimisson, framkvæmdastjóri, Heilbrigðisstofnun Austurlands

Hjörtur Kristjánsson, framkvæmdastjóri, Heilbrigðisstofnun Suðurlands

Ólafur Baldursson, framkvæmdastjóri lækninga, Landspítala

Hrund Scheving Thorsteinsson, deildarstjóri, menntadeild Landspítala

Sigurður E. Sigurðsson, framkvæmdastjóri lækninga, Sjúkrahúsinu á Akureyri

Hildigunnur Svavarsdóttir, framkvæmdastjóri bráða-, fræðslu- og gæðasviðs, Sjúkrahúsinu á Akureyri

Emil L. Sigurðsson, prófessor í heimilislæknisfræði, Læknadeild Háskóla Íslands

Engilbert Sigurðsson, prófessor, deildarforseti Læknadeildar Háskóla Íslands

Reynir Arngrímsson, formaður, Læknafélagi Íslands

Þórarinn Ingólfsson, formaður, Félagi íslenskra heimilislækna